

神輿本經會通

本經云。作湯益氣。止渴補虛。下氣消毒。汁主風痊。
實通神明。輕身益氣。○陳藏器云。淡竹根。煮取汁。
主丹石發熱渴。除煩熱。○別說云。竹間時見開花。
小白如棗花。結實如小麥子。無氣味。而澁。號爲竹
米。以爲荒年之兆。乃其竹卽死。信非鸞皇鳳之所
食也。彼有竹實大如鷄子。竹葉層層包裹。味甘勝
蜜。食之令人發汗清涼。生深竹林。茂盛蒙蜜。○食
療云。苦竹根。細剉一斤。水五升。煮取汁一升。分三
服。大下心肺五臟熱毒氣。

淡竹葉○一云味甘○一云甘冷○一云今方中用
淡竹葉。又是一種。叢小葉柔。微有毛。其根生子。如
麥門冬子。

味辛。氣平。大寒。○湯云。氣寒。味辛平。○東云。療傷
寒。解虛煩。

本經云。主胃中痰熱。欬逆上氣。○藥性論云。淡竹
葉。味甘。無毒。主吐血。熱毒風。壓丹石毒。止消渴。止
肺痿。唾血。鼻衄。治五痔。○日華子云。淡竹并根。味
甘。冷。無毒。消痰。治熱狂。煩悶。中風。失音不語。○壯

熱頭痛。頭風。并懷妊人。頭旋倒地。止驚悸。溫疫。迷悶。小兒驚癇。天吊。莖葉同用。

竹瀝。○惟用三種竹燒。○一云。今人取竹作瀝者。又謂之淡竹。

氣大寒。○東云。治中風聲音之失。○丹云。味甘。性緩。

本經云。療暴中風。風痺。胃中大熱。止煩悶。○藥性論云。淡竹瀝。治卒中風。失音不語。苦者治眼赤。○子孟詵云。慈竹瀝。療熱風。和食飲服之良。○食療云。

淡竹瀝。大寒。主中風。大熱。煩悶。勞復。○丹溪云。本草言大寒。泛觀其意。以與石膏。芩連等同類。而諸方治胎前產後諸病。及金瘡口噤。與血虛自汗。消渴。尿多。皆陰虛之病。無不用。○內經曰。陰虛發熱。大寒而能補。正與病對。薯蕷寒而能補。世或用之。惟竹瀝。因大寒。寔疑。竹瀝味甘。性緩。能除陰虛之。有大熱者。大寒者。言其功也。非以氣言也。若曰。不然。世人喫筍。自幼至老。可無一人因筍而病。瀝則筍之液也。况假於火而成者。何寒如此之甚。○集

云。安胎治子煩。除陰虛發大熱。消虛痰。痰盛人氣虛少食者。宜用之。又痰在四肢。非此不能開。

竹皮筴○使也。○一云味甘。○一云竹皮多種。取皮

止嘔吐者。南人呼爲江南竹。

味辛。平。甘寒。無毒。肉薄。○氣微寒。○湯云。氣微寒。味苦。○東云。治虛煩。除嘔噦。○韋云。止嘔欬逆。除寒熱。吐血崩中。利小便。兼治五般熱病。

本經云。主嘔哕。溫氣寒熱。吐血崩中。溢筋。○藥性論云。青竹茹。使味甘。止肺痿。唾血。鼻衄。治五痔。

食療云。苦竹茹。主下熱壅。淡竹茹。主噎膈鼻衄。

苦竹葉及瀝

日華云。味苦。冷。無毒。

本經云。療口瘡。目痛。明目。利九竅。○日華子云。苦

竹。味苦。冷。無毒。治不睡。止消渴。解酒毒。除煩熱。發

汗。治中風失音。作瀝。功用與淡竹同。○食療云。淡

竹上。甘竹次。主欬逆。消渴。痰飲。喉痺。鬼疰。惡氣。殺

小虫。除煩熱。苦竹葉。主口瘡。目熱。瘖啞。

竹筍。○作諸筍。



味甘。無毒。○一云寒。

本經云。主消渴。利水道。益氣。可久食。○陳藏器云。苦竹筍。主不睡。去面呂并舌下熱黃。消渴明目。解酒毒。除熱氣。健人。諸筍皆發冷血及氣。○孟詵云。筍寒。主逆氣。除煩熱。又動氣發冷癥。不可多食。越有蘆及箭筍。新者稍可食。陳者不可食。其淡竹及中母筍。雖美。然發背悶脚氣。○食療云。苦筍不發痰。○蜀畧經云。竹節間黃白者。味甘。名竹黃。尤制

石藥毒發熱。

蜀椒○即川椒。使也。杏仁爲之使。畏欬冬。雄黃。惡栝
萎。防葵。○八月採實。陰乾。○用須微炒。令出汗。○
取紅去黃殼去白。○口閉者殺人。○衍云去殼之
法。先微炒。乘熱入竹筒中。以梗椿之。播取紅。如未
盡。更揀更椿。以盡爲度。凡用椒須如此。

味辛。氣溫。大熱。有毒。○湯云。氣熱溫。味大辛。辛溫。
大熱。有毒。○東云。浮也。陽中陽也。用之於上。退兩
目之翳膜。用之於下。除六腑之沉寒。○又入達下。
○珍云。溫中潤心寒。明目。去汗。逐骨節皮膚死肌。

寒濕痺痛。○走云。溫中去冷。上除兩目雲翳。下治六腑沉寒。

本經云。主邪氣欬逆。溫中。逐骨節皮膚死肌。寒濕痺痛。下氣除六腑寒冷。傷寒。溫瘡。大風。汗不出。心腹留飲。宿食。腸癖。下痢。洩精。女子字乳。餘疾。散風邪。癥結。水腫。黃疸。鬼疰。蠱毒。殺蟲。魚毒。久服之。頭不白。輕身。增年。開腠理。通血脉。堅齒髮。調關節。耐寒暑。可作膏藥。多食令人乏氣。○藥性論云。蜀椒使有小毒。治冷風。頭風。下淚。腰脚不遂。虛損。留結。

破血。下諸石水。能治嗽。主腹內冷而痛。除齒痛。

日華子云。漢椒。破癥結。開胃。治天行時氣。溫疾。產

後宿血。治心腹氣壯。陽療陰汗。暖腰膝。縮小便。

食療云。溫辛。有毒。主風邪。腹痛。痺寒。溫中。去齒痛。

堅齒髮。明目。止嘔逆。滅癥。生毛髮。出汗。下氣。通神。

不老。益血。利五臟。治生產後諸疾。下乳汁。久服令

人氣喘促。十月勿食。及閉口者。大忌。子細黑者。是

秦椒。白色也。○象云。主邪氣。溫中。除寒痺。堅齒髮。

明目。利五臟。須炒去汗。○心云。去汗。辛熱。以潤心。

寒。○丹云。凡使。以蜀椒爲佳。○衍同。○劄云。川椒
味辛熱有毒。溫中去冷服之安。上除兩目之雲膜。
下治六腑之沉寒。○局云。蜀椒辛熱除寒痺。下氣
溫中散冷風。并治洩精腸澼痢。子名椒目。水能通。
○蜀椒主澁精。止澼。溫中。下氣。兼風痺。

椒目○使也。

唐本注云。味苦寒。無毒。○陶云。冷。○藥性論云。味
苦辛。有小毒。○陶云。椒目別入藥用。不得相雜。○
唐本注云。主水腹脹滿。利小便。○藥性論云。椒目。

使治十二種水氣。味苦辛。有小毒。主和巴豆。菖蒲。松脂。以蠟溶爲筒子。內耳中。抽腎氣。虛耳中。如風水鳴。或如打鍾磬之聲。卒暴聾。一日一易。若神驗。○日華子云。主膀胱急。○丹溪云。治盜汗有功。又能行水。

椒葉

日華子云。熱。無毒。治賁狹。伏梁氣。內外腎釣。并霍亂轉筋。和艾及葱。研以醋伴下。並得。

秦椒。○若也。惡栝萎。防葵。畏雌黃。○八九月採實。去

閉口者。○一云。蜀椒出武都。赤色者善。秦椒出天水隴西。細者善。○一云。當以實大者爲秦椒。味辛。氣溫。生溫。熟寒。有毒。○一云。味苦辛。○東云。攻痛。治風。

本經云。主風邪氣。溫中。除寒痺。堅齒髮。明目。療喉痺。吐逆。疝瘕。去老血。產後餘疾。腫痛。出汗。利五臟。久服輕身。好顏色。耐老增年。通神。○藥性論云。君。味苦辛。治惡風。遍身四肢癢痺。口齒浮腫搖動。主女人月閉不通。治產後惡血痢。多年痢。主生髮。療

腹中冷痛。○孟詵云。温滅癰。長毛。去血。若齒痛。醋煎含之。○晁經云。椒氣好下。言餌之。益下不上。衝也。服食藥。當用蜀椒。○丹溪云。屬火而有水與金。所以有下達之能。所以其子名爲椒目。正行滲不行。穀道。世人服椒者。無不被其毒。以其久則火自水中起。能下水腫濕。凡使以蜀椒爲佳。子謂椒目。治盜汗有功。又能行水。○局云。秦椒主治風邪氣。除痺温中有大功。明目通喉。攻腹痛。醋煎灌嗽。治牙疼。○秦椒。主明目通喉。温中。下氣。兼風痺。

胡椒○凡使。只用內無殼者力大。漢椒使殼。胡椒使子。須石槽中碾碎成粉用。

味辛。氣大溫。無毒。○湯同。○東云。去痰除冷。

本經云。主下氣溫中。去痰除臟腑中風冷。調食用之。味甚辛辣。○日華子云。調五臟。止霍亂。心腹冷痛。壯腎氣。及主冷痢。殺一切魚肉鼈蕈毒。○海藥云。去胃口氣虛冷。宿食不消。霍亂氣逆。心腹卒痛。冷氣上衝。和氣。不宜多服。損肺。一云。向陰者澄茄。向陽者胡椒也。○食療云。治五臟風冷。冷氣。心腹

痛吐清水服之佳亦宜湯服○衍義云去胃中寒
痰吐水食已卽吐甚驗過劑則走氣大腸寒滑亦
用須各以他藥佐之○丹溪云屬火而有金性燥
食之快膈喜食者大傷脾胃肺氣積久而氣則傷
凡痛氣疾大其禍也○局云胡椒下氣除風冷卒
患心疼腹痛良止痢去痰除霍亂用之調食辣堪
嘗○胡椒下氣逐風冷兼除霍亂昏迷

秦皮○大戟爲之使惡吳茱萸苦瓠防葵○二八月
採皮陰乾○取皮漬水便碧色書紙着之青色此

爲真也。

味苦。氣寒。大寒。無毒。○湯云。氣寒。味苦。○東云。沉也。陰也。風寒邪合濕成痺。青白色。幻翳遮睛。女子崩中帶下。小兒風熱癩驚。○珍云。主熱痢下重。下焦虛。此爲苦堅之劑。○韋云。治小兒驚癩。青白遮睛。幻翳。除風寒濕痺。女子帶下崩中。

本經云。主風寒濕痺。洗洗寒氣。除熱。目中青翳白膜。療男子少精。婦人帶下。小兒癩身熱。可作湯洗目。湯久服。頭不白。皮膚光澤。肥大有子。○藥性論

云。秦白皮平。主明目。去肝中久熱。兩目赤腫疼痛。風淚不止。治小兒身熱。作湯浴。差皮一升。水煎。澄。清冷洗赤眼。極効。○日華子云。洗肝益精明目。小兒熱驚。皮膚風痺退熱。○劄云。秦皮寒苦。治驚癇。女子崩中帶下難。青白遮睛。睛細翳。風寒濕痺。治居安。○局云。秦皮洗眼除昏熱。大治風寒濕痺。踪。男子少精。宜補益。婦人帶下。却收功。○液云。主熱痢下重。下焦虛。經云。以苦堅之。故用白頭翁。黃栢。秦皮。苦之劑也。治風寒濕痺。目中青翳白膜。男子

少精。婦人帶下。小兒驚癇。宜作湯洗目。呼爲白禱木。取皮漬水。浸出青藍色。與紫草同用。以增光暈。尤佳。○秦皮洗眼磨昏。男子添精。女人收帶下。

大腹○檳榔皮。鳩鳥多栖此樹上。宜先酒洗。仍以大
豆汁洗。方可用。

氣微溫。無毒。○一云味辛。○東云。治水腫之泛溢。○韋云。下氣冷熱。攻心腹。健脾安胃。更通腸。

本經云。主冷熱氣。攻心腹。大腸壅毒。痰膈醋心。並以薑鹽同煎。入踈氣藥良。所出與檳榔相似。莖葉

根幹小異。○日華子云。下一切氣。止霍亂。通大小腸。健脾開胃。調中。○劄云。大腹皮功專下氣。健脾開胃。更通腸氣。因冷熱攻心腹。煎用薑鹽入藥良。○即局方。○大腹皮通腸健胃開脾。

大腹子

湯云。氣微溫。味辛。無毒。○東云。去膨下氣。亦令胃和。○湯云。本草云。主冷熱氣。攻心腹。大腸壅毒。痰膈醋心。並以薑鹽同煎。時習謂是氣藥也。○孫真人云。先酒洗。後大豆汁洗。仲景用。○日華子云。下

一切氣。止霍亂。通大小腸。健脾胃。開胃調中。

山茱萸○使也。蓼實爲之使。惡桔梗。防風。防已。○九
十月採實。陰乾。○核能滑精。用須去之。○一名蜀
棗。

味酸。氣平。微溫。無毒。○湯云。人足厥陰經。少陰經。
○東云。治頭暈。遺精。○珍云。溫肝。逐濕。通邪氣。助
益水臟。煖腰膝。○聿云。除風。逐痺。通邪氣。調經。補
腎。更添精。兼療耳鳴。

本經云。主心下邪氣。寒熱。溫中。逐寒濕痺。去三蟲。

腸胃風邪寒熱。疝瘕。頭風。風氣去來。鼻塞。目黃。耳聾。面皯。溫中下氣。出汗。強陰益精。安五臟。通九竅。止小便利。久服輕身明目。強力長年。○藥性論云。山茱萸。使。味鹹辛。大熱。治腦骨痛。止月水不定。補腎氣。興陽道。堅長陰莖。添精髓。療耳鳴。除面上瘡。能發汗。止老尿不節。○日華子云。暖腰膝。助水藏。除一切風。破癥結。治酒齋。○湯云。本草云。主溫中。逐寒濕痺。強陰益精。通九竅。止小便。入足少陰厥陰經。○聖濟經云。滑則氣脫。澁劑所以收之。山茱

萸之澁以收其滑。仲景八味丸爲君主。如何澁劑以通九竅。○雷公云。用之去核。一斤取肉四兩。緩火熬用。能壯元氣。秘精。核能滑精。故去之。○珍云。溫肝。

本經云。止小便利。以其味酸也。觀八味丸用爲君主。其性味可知矣。○藥性論亦云。補腎添精。○日華子亦云。暖腰膝。助水藏也。○劄云。山茱萸主通邪氣。逐痺除風。療耳鳴。婦女得之調月水。男人補腎更添精。○即局方。○山茱萸補腎添精。兼療風痺。

烏藥○八月採根。以天台者爲勝。作車轂形。如連珠狀者佳。

味辛。氣溫。無毒。○湯云。入足陽明經。少陰經。○東云。治冷氣。○走云。醫黃并治蠱。治氣又補中。主婦人血氣。瘴疫。療霍亂吐瀉。瘡癰。

本經云。主中惡。心腹痛。蠱毒。疰忤。鬼氣。宿食不消。天行疫瘴。膀胱腎間冷氣。攻衝背脊。婦人血氣。小兒腹中諸蟲。其葉及根。嫩時採作茶片。炙礮煎服。補中益氣。偏止小便滑數。○日華子云。治一切氣。

除一切冷霍亂及反胃吐食瀉痢癰癤疥癩并解
冷熱其功不可悉載。猫犬百病並可摩服。○斗門
方云。治陰毒傷寒。烏藥炒令黑煙起投水中煎三
五沸服。候汗出回陽立差。○衍云。和來氣少走泄
多。但不甚剛猛。與沉香同磨作湯。治胸腹冷氣。○
局云。烏藥主除心腹痛。補中益氣。最爲先。更攻血
氣并翻胃。逐冷寬膨利小便。○烏藥主寬膨順氣。
血氣相攻及諸疼。

益智○用須去皮。

味辛。氣溫。無毒。○湯云。氣熱。味大辛。辛溫。無毒。主君相二火。入手足太陰經。足少陰經。本是脾經藥。○東云。安神。治小便頻數。○走云。調諸氣。治餘淋。止溺而有神。除嘔逆。更補精益氣。及安神。

本經云。主遺精虛漏。小便餘瀝。益氣安神。補不足。安三焦。調諸氣。夜多小便者。取二十四枚。碎入鹽同煎服。有奇驗。○陳藏器云。止嘔噦。益智含之。攝涎穢。○畱經云。攝涎唾。採無時。○象云。治脾胃中受寒邪。和中益氣。治多唾。當於補中藥內兼用之。

勿多服。去皮用。○液云。主君相二火。手足太陰足少陰。本是脾藥。在集香丸。則入肺。在四君子湯。則入脾。在大風髓丹。則入腎。脾肺腎。互有子母相關。○釗云。益智和中。仍暖胃。主除虛滿及遺精。若人夜起多便溺。搥碎鹽煎。効更奇。○即局方。○益智子。澁精。益氣。止小便多遺。

琥珀○君也。松脂所化。如血。以手摩熱。可以拾芥者。真。

味甘。氣平。無毒。○湯云。陽也。○東云。安神。散血。○

珍云。消瘀血而治五淋。利小便而安五臟。兼定菟
鬼。又殺精魅。○走云。安魄。消瘀。辟鬼妖。明睛去翳。
除心痛。消膨。治狂。又療蠱毒。

本經云。主安五臟。定魂魄。殺精魅。邪鬼。消瘀血。通
五淋。○陳藏器云。止血生肌。合金瘡。○藥性論云。
君。治百邪。產後血疾痛。○日華子云。療蠱毒。壯心。
明目。瘳翳。止心痛。癩邪。破結癥。○海藥云。是松木
中津液。初若挑膠。後若凝結。温。主止血生肌。鎮心
明目。破癥瘕。氣塊。產後血暈。悶絕。兕枕痛等。並宜

餌此方。琥珀一兩。鼈甲一兩。京三稜一兩。延胡索半兩。沒藥半兩。大黃六銖。熬搗爲散。空心酒服三錢。已日再服。神驗。若及產後。即減大黃。○丹溪云。能利小便。以燥脾土有功。若血少而小便不利者。反致燥急之苦。茯苓琥珀二物。皆自松出。而所稟各異。茯苓生成於陰者也。琥珀生於陽而成於陰。故皆治榮。而安心利水也。○劄云。琥珀元來是木脂。千年入地化而爲鎮心定魄。仍消血。若治諸淋。効更奇。○即局方。○琥珀鎮心定魄。淋病偏宜。

茗苦茶○早採者爲椀晚採者爲茗今通謂之茶○

湯液云茗苦茶○一名蠟茶○

味甘苦氣微寒無毒○湯云入手足厥陰經○走
云消痰熱渴并治頭疼療痿瘡清心下氣兼利小
便澄化氣○

本經云茗苦椀味甘苦微寒無毒主痿瘡利小便
去痰熱渴令人少睡春採之○苦椀主下氣消宿
食作飲加茱萸葱薑等良○陳藏器云寒破熱氣
除瘴氣利大小腸食之宜熱冷即聚痰椀是茗嫩

葉搗成餅。並得火良久。食令人瘦。去人脂。使不睡。
○晷經云。真茶性極冷。惟雅州蒙山出者溫。大都
飲茶少則醒神思。過多則致疾病。故唐母景茶飲
序云。釋滯消壅。一日之利暫佳。瘠氣侵精。終身之
累斯大。是也。○別說云。蔡襄密學所述極備。閩中
唯建州。北苑數處產此。性味獨與諸方略不同。今
亦獨名蠟茶。研治作餅。日得火愈良。近人以建茶
治傷暑。合醋治泄瀉。甚効。今建州上品第備見
茶經。○液云。茗苦茶。臘茶是也。清頭目。利小便。消

熱渴下氣消食令人少睡中風昏憤多睡不醒宜
用此入手足厥陰經茗苦茶苦甘微寒無毒主瘻
瘡利小便去痰熱渴治陰訂湯藥內用此去格拒
之寒及治伏陽大意相似茶苦經云苦以泄之其
體下行如何是清頭目○劄云茶茗苦消痰熱渴
清神能治卒頭疼瘻瘡可療兼下氣利小便令化
氣澀○局云苦菜元來卽苦茶旗鎗芽發勝仙葩
除痰下氣攻頭痛宿食能消痢更佳○苦菜主頭
疼痢生腹痛同薑服。

蔓荆○臣也。惡烏頭、石膏。○蔓生者爲蔓荆，大如梧子，而輕虛，作樹生者，細如麻子，則爲牡荆，乃小荆實也。○一云：今之所有，並非蔓生。○用須去蒂子，下白膜一重，酒浸晒乾用。

味苦辛，氣微寒，平溫，無毒。○湯云：氣清，味辛溫，苦甘，陽中之陰，太陽經藥。○走云：通關竅，治痺，堅牙，殺白虫，療頭風，益氣，明眸，收眼淚。○珍云：涼諸經血，治頭疼，目暗。

本經云：主筋骨間寒熱濕痺拘攣，明目，堅齒，利九

竅去白蟲。長蟲主風頭痛腦鳴目淚出。益氣久服
輕身耐老。令人光澤脂緻。小荆實亦等。○藥性論
云。蔓荆子。臣。治賊風。長鬚髮。○日華子云。利關節。
治赤眼。痢疾。六七八月採。○象云。治太陽經頭痛
昏悶。除目暗。散風邪藥。胃虛人勿服。恐生痰疾。揀
淨杵碎用。○珍云。涼諸經血。止頭痛。主目睛內痛。
○局云。蔓荆實主風頭痛。利竅通關。去白虫。堅齒
輕身。攻赤眼。并除筋骨熱寒攻。○蔓荆子。攻赤目。
清頭風。堅齒。輕身。

丁香○臣也。二八月採。大者爲母。丁香。小者爲丁香。用須去丁香蓋。

味辛。氣溫。無毒。○湯云。氣溫。味辛。純陽。無毒。入手太陰經。足陽明。少陰經。○東云。快脾胃。止吐逆。○走云。除寒。嘔。番胃。及霍亂。奔豚。治腰疼。溫胃。及與陽去冷。兼療蠱氣。○珍云。純陽。治胃寒。霍亂。

本經云。主溫脾胃。止霍亂。擁脹。風毒諸腫。齒疳。能發諸香。其根。療風熱毒腫。○蜀本注云。療嘔逆。

○藥性論云。丁香。臣。主冷氣腹痛。○日華子云。治

口氣反胃。鬼疰。蠱毒。及療腎氣。賁純氣。陰痛。壯陽。
暖腰膝。治冷氣。殺酒毒。消疝癖。除冷勞。○陳藏器
云。丁香於其母丁香。主變白。以生薑汁研。拔去白
鬚。塗孔中。即異常黑也。○海藥云。主風疝。鬻骨。牯
勞臭。治氣。烏髭髮。殺虫。療五痔。辟惡去邪。治妳頭
花。止五色毒痢。正氣。止心腹痛。樹皮亦能治齒痛。
○象云。溫脾胃。止霍亂。消疝癖。氣脹。反胃。腹內冷
痛。壯陽。暖腰膝。殺酒毒。○液云。與五味子。廣茂同
用。亦治奔豚之氣。能泄肺。能補胃。犬能療腎。○丹

溪云。屬火而有金。補瀉能走。口居上。地氣出焉。肺
行清令。與脾氣相火和。惟有潤而甘芳。自適焉。有
所謂口氣病者。令口氣有而已。自嫌之。以其脾有
鬱火。溢入肺中。失其清和甘美之意。而濁氣上下。
此口氣病也。以丁香含之。滌蕩正沸耳。惟香薷治
之甚捷。故錄之。又今注云。子如釘。長三四分。紫色。
中有粗大如山茱萸者。浴呼爲母丁香。可入腹心
之藥耳。以舊本丁香註中。有不入心腹之用六字。
恐其根。必是有毒。故云不入心腹也。○衍義云。有

大如棗核者。名母丁香。實紗囊。如小指。納陰中。主陰冷病。○劄云。丁香除腫消風毒。治氣溫中。用最堪。非特益脾能止嘔。更攻齒痛病風痺。○即局方。○丁香。下氣溫中。益脾止吐。

沉香○堅黑緊實不枯者。如觚角硬重。沉於水下。爲上也。凡入丸散中用。須候衆藥出。卽入拌和用之。○雖沉水。而中空有朽路者。則是鷄骨香也。不佳。○局云。有青桂香。鷄骨香。馬蹄香。牋香。生結香。黃熟香之名。氣微溫。

味辛熱無毒。○湯云。氣微溫。陽也。○東云。下氣補
腎。治霍亂。心疼。○走云。降氣調中。去濕風。癥瘕。及
白痢。追邪。煖胃。治風麻。吐瀉。及轉筋。○珍云。調中。
補腎。兼補五臟。煖腰膝。益精壯陽。治風水毒腫。邪
惡氣。

本經云。療風水毒腫。去惡氣。○陶云。療惡核毒腫。

○日華子云。味辛熱無毒。調中。補五臟。益精壯陽。
暖腰膝。去邪氣。止轉筋。吐瀉。冷氣。破癥瘕。冷風麻
痺。骨節不任。濕風。皮膚痒。心腹痛。氣痢。○海藥云。

味苦温。無毒。主心腹痛。霍亂。中惡。邪鬼。疰。清人神。
並宜酒煮服之。諸瘡腫。宜入膏用。○東垣云。能養
諸氣。上而至天。下而至泉。用爲使。最相宜。○珍云。
補右命門。○集云。散滯氣。保和衛氣。○劄云。沉香
療除風水腫。順氣調中。用最良。又止轉筋心腹痛。
去除惡氣。壯元陽。○即局方。○沉香。順氣調中。心
腹絞痛。

檀香○有數種。青黃白紫之異。

日華子云。氣熱。無毒。○湯云。氣温。味辛熱。無毒。入

手太陰經。足少陰經。通行陽明經藥。○東云。定霍亂。治心氣疼。○韋云。主霍亂。治腎氣。心痛。腰疼。消風熱。殺鬼。追虫。○珍云。療霍亂。中惡。陽中之微陰。開胃。進食。導引胃氣之上升。○陶云。白檀。消風熱。腫。○陳藏器云。主心腹痛。霍亂。中惡。鬼氣。殺虫。白檀樹。如檀。○日華子云。檀香。熱。無毒。治心痛。霍亂。腎氣。腹痛。濃煎服。水磨傳外腎。并腰腎痛處。○東垣云。能調氣。而清香。引芳香之物。上行至極高之分。最宜橙橘之屬。佐以薑棗。將以葛根。豆蔻。縮砂。

益智。通行陽明之經。在胸膈之上。處咽嗑之中。同
爲理氣之藥。○珍云。主心腹霍亂。中惡。引胃氣上
升。進食。○劓云。檀香不特清風腫。抑且能收霍亂
功。腎氣上攻。心氣痛。濃煎服。餌卽能通。○卽局方
○檀香。止霍亂吐嘔。痛連心腹。

紫真檀

味鹹。氣微寒。○一云。無毒。

本經云。主惡毒。風毒。○陶云。摩以塗風毒諸腫。亦
効。然不及青木香。又主金瘡。止血。亦療淋用之。○

陳藏器云。治心腹痛。霍亂中惡。鬼氣殺虫。○又止血。止痛。至妙。○又治一切腫。以紫檀細碎。大醋和傳腫上。○又治金瘡。止血。急刮真紫檀末傳之。

乳香○乳頭香。即薰陸香。是波斯松樹脂也。紫赤如

櫻桃者爲上。○入丸散。微炒。不粘。

氣微溫。○湯云。苦陽。○日華子云。味辛熱。微毒。○

東云。療癰止痛。○走云。和氣止痛。除霍亂。醫癰。益

精。暖腎。主中風口噤。○珍云。治諸經疼。除惡氣。療

風水腫毒。心腹痛。

本經云。療風水毒腫。去惡氣。療惡核毒腫。○日華子云。味辛熱。微毒。下氣。益精。補腰膝。治腎氣吐霍亂。衝惡。中邪氣。心腹痛。疰氣。煎膏。止痛。長肉。入丸散。微炒。殺毒。得不粘。○廣誌云。蓋薰陸之類也。其性溫。療耳聾。中風口噤。婦人血氣。能發酒。理風冷。止大腸洩瀉。療諸瘡癩冷。內冷。○海藥治療。與誌同。以紅透明者爲上。○珍云。定諸經之痛。○劄云。乳香止痛消風腫。邪氣能除。補益精。主療諸瘡。收洩瀉。又調血氣。又催生。○卽局方。○乳香消風止

痛。瘡毒流離。

沒藥○生波斯國。似安息香。其塊大小不定。黑色。○木膏液。流滴在地結成。○一云味苦辛。○又云味苦辛。温。○採無時。

味苦。氣平。無毒。○湯云同。○東云。治瘡。散血。○走云。治癰瘡。癥結。破血止痛。主腹心上痛。金刀傷。○本經云。主破血止痛。療金瘡。杖瘡。諸惡瘡。痔漏。卒下血。目中醫暈痛。膚赤。○藥性論云。沒藥單用亦得。味苦辛。主打搥損。心腹血瘀。傷折。踉跌。瘀痛。金

刀所損痛不可忍。皆以酒投飲之。良。○日華子云。破癥結宿血。消腫毒。○晷經云。治婦人內傷痛楚。治血暈。及臍腹疔刺者。沒藥一物。研細。溫酒調一錢。便止。又治歷節諸風。骨節疼痛。晝夜不可忍者。沒藥半兩。研。虎腦骨三兩。塗酥炙黃色。先搗羅爲散。與沒藥同研。令細。溫酒調二錢。日二服之。○海藥云。味苦辛。溫。無毒。主折傷馬墜。推陳致新。能生好血。凡服皆須研爛。以熱酒調服。墮胎。心腹俱痛。及野鷄漏痔。產後血氣痛。並宜丸散中服。○劄

云。沒藥止痛仍破血。主除折跌治金瘡。更宜產後
諸餘疾。推致新陳理內傷。○即局方。○沒藥主折
跌金瘡。血氣相攻。及諸疼。

蘇合香○此香從西域及崑崙來。紫赤色。與紫真檀
相似。堅實極芬香。惟重如石。燒之灰白者好。

味甘。氣溫。無毒。○湯同。○韋云。除溫瘧。辟惡。消蠱
毒。殺鬼。又去虫。令人無夢魘。久服達神明。

本經云。主辟惡。殺鬼精物。溫瘧。蠱毒。癩瘡。去三蟲。
除邪。令人無夢魘。久服通神明。輕身長年。生中臺。

川谷。○禹錫云。中天竺國出蘇合香。是諸香汁煎之。非自然一物也。○劄云。蘇合香油能辟惡。去虫。殺鬼。達神明。更消蠱毒。除温瘧。久服令人夢不生。○即局方。○蘇合香。辟惡。去虫。殺鬼。蠱毒消除。安息香。○出西戎。似松脂。黃黑色。爲塊。新者亦柔韌。刻其樹皮。其膠如飴。堅凝。取之。

味辛苦。氣平。無毒。○東云。辟惡。止心腹之痛。

本經云。主心腹惡氣鬼疰。○肖炳云。燒之去鬼來神。○雜俎云。燒之通神。辟衆惡。○日華子云。治邪。

氣。魍。魎。鬼。胎。血。邪。辟。蠱。毒。腎。氣。霍。亂。風。痛。治。婦。人。
血。噤。并。產。後。血。暈。○海。藥。云。婦。人。夜。夢。鬼。交。以。臭。
黃。合。爲。丸。燒。熏。丹。穴。永。斷。又。主。男。子。遺。精。暖。腎。辟。
惡。氣。○局。云。安。息。香。能。除。惡。氣。燒。之。去。鬼。更。來。神。
辟。邪。暖。胃。攻。遺。泄。血。噤。仍。堪。治。婦。人。○安。息。香。辟。
惡。去。虫。殺。鬼。蠱。毒。消。除。

楓香脂

味。辛。苦。氣。平。無。毒。○一。云。皮。辛。平。又。云。性。澁。○丹。
云。性。疎。通。

本經云。主癰瘰。風痒浮腫。齒痛。一名白膠香。○其
樹皮。味辛平。有小毒。主水腫。下水氣。煮汁用之。○其
陳藏器云。楓皮本攻外。性澁。止水痢。蘇云。下水腫。
水腫非澁藥所療。誤矣。又云。有毒。轉明其謬。水煎
止下痢。爲最。○日華子云。楓皮止霍亂。刺風冷風。
煎湯浴之。○晷經云。其皮性澁。止水痢。水煎飲之。
○簡要云。治吐血不止。白膠香。不以多少。細研爲
散。每服二錢。新汲水調下。○丹溪云。楓香屬金而
有水與火。性踈通。故木易有虫穴。其液。名曰白膠。

香爲外科家要藥。近世不知。誤以松精之清瑩者。甚失本經初意也。又陶云。楓樹菌食之。令人笑不止。以地漿解之。○大楓子。主風瘡。疥癬。殺蟲。局云。楓香本卽白膠香。癰癤。風搔齒痛。良。皮味辛平。微有毒。虛浮水氣。煮湯嘗。○楓香。消風。止痛。瘡毒。流離。

龍腦香及膏香。○出婆律國。形似白松脂。作杉木氣。明淨者善。久經風日。或如雀屎者不佳。云。合糯米炭相思子貯之。則不耗。○龍腦。是根中乾脂。似豆。

寇皮有甲錯香。似龍腦狀。若梅花瓣者。甚佳。○膏是樹下清脂。又云。樹瘦者出龍腦香。在木心。肥者出膏香。在木端。砍樹作坎而承之。○清香爲百藥先。萬物中。香無出其右者。

味辛苦。氣微寒。一云溫平。無毒。○集云。氣溫。屬陽。本經云。主心腹邪氣。風濕積聚。耳聾明目。去目赤。膚腎。○膏主耳聾。○唐本注云。下惡氣。消食。散脹。滿。香人口。○藥譜云。龍腦油性溫。味苦。○陳藏器云。相思子。平。有小毒。通九竅。治心腹氣。令人香。止。

熱悶頭痛。風疾。殺腹藏及皮膚內一切虫。又主虫
毒。取二七枚。末服。當吐出生嶺南子。赤黑間者佳。
○呂經云。今海南龍腦。多用火焔成片。其中亦容
雜偽。入藥。惟貴生者。狀若梅花瓣。甚佳也。○丹溪
云。龍腦屬火。世知其寒而通利。然未達其煖而輕
浮。飛陽。局方但喜其香而貴細。動輒與麝同用。爲
桂附之助。然人身陽一動。陰易虧。幸思之。○集云。
龍腦性大辛。善走。故能散熱。通利結氣。古今方。目
痛喉痺。下疳。多用之者。取辛散也。人欲死者。吞之。

氣散盡也。世人誤以爲寒。不知辛散性甚。似乎涼耳。諸香皆屬陽。豈有香之至者而反寒乎。○又云。通利關膈熱塞。大人小兒風涎閉壅。及暴驚熱。○局云。龍腦能令九竅通。大除惡氣滯心胸。其香透頂攻頭痛。明目消風治耳聾。○龍腦清頭明目涼驚搐小兒。

降真香○出黔南。并大秦國。

本經云。伴和諸雜香燒。煙直上天。召鶴得盤旋於上。○海藥云。味溫平無毒。主天行時氣。宅舍怪異。

並燒悉驗。○仙傳云，燒之或引鶴降，醮星辰，燒此香甚爲第一。度籙燒之，功力極驗。小兒帶之，能辟邪惡之氣。

薰陸香 ○合香家要，不正入藥。盛夏樹膠流出沙上，形似白膠，出天竺單于國。

本經云，微溫，療風水毒腫，去惡氣，伏尸。○晉經云，薰陸乳香，今人無復別，通謂乳香爲薰陸耳。○唐本云，微溫，去惡氣，惡瘡，似松脂，黃白色。○治齒虫痛不可忍，嚼陸香，咽其汁，立差。

雞舌香○合香家要用。不正入藥。樹有雌雄。

本經云。微溫。療風水毒腫。去惡氣。療霍亂心痛。○

呂經云。老醫。或有謂與丁香同種。此乃是母丁香。

療口臭最良。治氣亦可。蓋出陳氏拾遺。亦未知的。

否。千金療瘡癰。連翹五香湯方。用丁香。○一方用

雞舌香。以此似近之。○藥性論云。使味辛。無毒。入

吹鼻散子中。用殺腦疔。入諸香。令人身香。

鬱金香○生大秦國。二三月有。狀如紅藍。四五月採。

花即香也。

本經云。味苦。氣溫。無毒。主蠱野諸毒。心氣鬼疰。鴉
鵲等臭。陳氏云。其香爲百草之英。○陳藏器云。味
苦。平。主一切臭。除心腹間惡氣。鬼疰。入諸香用之。
說文。鬱。金香。芳草也。十二葉爲貫。將以煮之。用爲
鬯。爲百草之英。合而釀酒。以降神也。以此言之。則
草也。不當附木部。

芫花○使也。決明爲之使。反甘草。○三月三日採花。
陰乾。○用之。微熬。不可近眼。

味辛苦。氣溫。微溫。有小毒。○韋云。主水腫蠱脹。并

氣塊破積搜腸又化痰

本經云主欬逆上氣喉鳴喘急咽腫短氣蠱毒鬼

瘡疔痕癰腫殺蟲魚消胃中痰水喜唾水腫五

水在五臟皮膚及腰痛下寒毒肉毒久服令人虛

其根名蜀桑根療疥可用毒魚○藥性論云使有

大毒治心腹脹滿去水氣利五藏寒痰涕唾如膠

者主通利血脉治惡瘡風痺濕一切毒風四肢攣

急不能行步能瀉水腫脹滿○日華子云療嗽瘡

瘡○晷經云仲景治太陽中風吐下嘔逆者可攻

十棗湯主之。芫花熬甘遂大戟三物等分。停各篩末。取大棗十枚。水一升半。煮取八合。去滓。納諸藥。彊人一錢七。羸人半錢七。溫服之。不下。明日更加半七。下後糜粥自養。病懸飲者亦主之。○液云。胡洽治痰癖。加以大黃甘草五物同煎。以相反主之。欲其大吐也。治之大略。水者肺腎胃三經所主。有五臟六腑十二經之部分。上而頭。中而四肢。下而腰臍。外而皮毛。中而肌肉。內而筋骨。脉有尺寸之殊。浮沉之異。不可輕瀉。當知病在何經。何臟。誤用

則害深。然大意泄濕。內云。即甘遂。大戟。芫花。大黃。甘草也。○局云。芫花去水消浮腫。欬逆喉鳴必用之。痰唾腰疼。心腹痛。惡瘡風痺。亦能醫。○又云。芫花有毒。味辛溫。咽腫能消。喘息聞汁。漬線絲。堪繫痔。身浮水氣。決然分。○芫花消浮逐水。緊瘤痔。

紫葳○即凌霄花。○畏鹵鹹。○臣也。

味酸。氣微寒。無毒。○湯同。○走云。治淋。癥瘕。瘀血。行經。主遊風。乳疾。崩中。帶下。

本經云。主婦人產乳餘疾。崩中。癥瘕。血閉。寒熱。羸。

瘦養胎。○莖葉味苦無毒。主痿蹙益氣。○藥性論云。紫葳臣。一名女葳。畏鹵鹹。味甘。主熱風風癩。大小便不利。腸中結實。止產後奔血不定。淋瀝安胎。○日華子云。根治熱風身痒。遊風風癩。治瘀血帶下。花葉功用同。又云。凌霄花治酒齕熱毒風刺風。婦人血膈遊風崩中帶下。○呂經云。今醫家多採其花乾之。入婦人血崩風毒藥。又治少女血熱風毒。四肢皮膚生癩癬。并行經脈方。凌霄花不以多少。搗羅爲散。每服二錢。溫酒調下。食前服。甚妙。○

衍義云。木也。紫葳花是也。○丹溪云。治血中痛之
要藥也。且補陰甚捷。蓋有守而能行。婦人方多用。
又云。即凌霄花也。善治酒醴熱毒甚良。○局云。紫
葳花本凌霄。是血閉癥瘕。用即通。更治風癩風熱
病。并攻產乳及崩中。○紫葳磨癥。下乳。行經。

酸棗○惡防已○八月採實。陰乾。四十日成。○仁有生用。熟用。

味酸。氣平。無毒。○湯同。○東云。治怔忡。○韋云。安
五臟。除風痺。補中益氣。堅筋骨。寧心志。更治虛煩。

不眠

更命氣賦不詳知

○明各六

○頤聚成

○

本經云。主心腹寒熱。邪結氣聚。四肢酸疼。濕痺。煩
心不得眠。臍上下痛。血轉久洩。虛汗煩渴。補中益
肝氣。堅筋骨。助陰氣。令人肥健。久服安五臟。輕身
延年。○晷經云。今醫家兩用之。睡多。生使不得睡。
炒熟。生熟便爾頓異。胡洽治振悸不得眠。有酸棗
仁湯。酸棗仁二升。白茯苓。白朮。人參。甘草各二兩。
生薑六兩。六物切。以水八升。煮取三升。分四服。○
深師主虛不得眠。煩不可寧。有酸棗仁湯。酸棗仁

二升。蜺母、乾薑、茯苓、芎藭各二兩，甘草一兩，炙。並切，以水一斗，先煮棗，減三升，後內五物，煮取三升，分服。○聖惠方：膽虛不眠，寒也。酸棗仁炒香，竹葉湯調服。○濟衆方：膽實多睡，熱也。酸棗仁生用末，茶薑汁調服。○又治骨蒸勞心煩不得眠，臥用酸棗仁二兩，水二大盞半，研絞取汁，下米二合，煮粥候熟，下地黃汁一合，更漸煮過，不計時服。○劄云：酸棗仁平安五臟，除風去痺，骨能堅，補中益氣，寧心志。更治虛煩不得眠。○即局方。○酸棗治虛煩。

歛汗。

木鼈○七八月採之。

味甘。氣溫。無毒。○走云。治腰痛。乳癰。及消酒。主療瘡。散腫。并折肌。

本經云。主折傷。消結腫。惡瘡。生肌。止腰痛。除粉刺。黥黥。婦人乳癰。肛門腫痛。○治痔方。以木鼈子三枚。去皮杵碎。砂盆內研如泥。以百沸湯一大椀。以上入盆器內。坐上薰之。至通手即洗。一日不過三四次。○局云。鼈子形真似鼈。同因形故得以名爲。

乳癰腰痛肛門腫傷折瘍瘡用最宜。○木鼈治瘡
瘍腰痛。

密蒙花○凡使先揀令淨用酒浸一宿漉出候乾却
拌蜜令潤蒸日乾二三月採花。

味甘氣平微寒。○走云主明目。膚翳青盲小豆麩
豆毒熱疖入眼。

本經云主青盲膚腎赤澁多眵淚消目中赤脉小
兒麩豆及疖氣攻眼。○劓云密蒙花主能明目虛
翳青盲用最宜。若是小兒麩豆毒熱疖入眼亦能

醫○密蒙花總督眼科之要領○六對黑色

五倍子○一名文蛤九月採子暴乾○

味苦酸氣平無毒○走云主齒齲瘡膿并五痔治
便血洗眼去熱風○

本經云療齒宣疳蠶肺藏風毒流溢皮膚作風濕
癬瘡癢痒膿水五痔下血不止小兒面鼻疳瘡○
呂經云主津液最佳○陳藏器云五倍子治腸虛
泄痢熱湯服收斂之劑○博濟方治風毒上攻眼
腫痒澁痛不可忍者或上下臉皆赤爛浮腎瘀肉

侵睛神効。驅風散。五倍子一兩。蔓荊子一兩半。同爲末。每服二錢。水二盞。銅石器內煎。及一盞。澄滓。熱淋洗。留滓二服。又依前煎淋洗。大能明目。去澁。痒。○丹溪云。屬金與水。噙口中。善收頑痰。有功。且解諸熱毒。口瘡以末摻之。便可飲食。卽文蛤也。其內多虫。又名百虫瘡。○劄云。五倍一名文蛤。是主除齒齲及瘡膿。更攻五痔多便血。洗眼猶能去熱風。○卽局方。○五倍子。主五痔腸風。

訶梨勒。○使也。俗名訶子。隨風子。○六稜。黑色。肉厚。

者良。取皮去核用。○文止有六路。或多或少。並是雜路。勒不入用。○七八月實熟時採。

味苦。氣溫。無毒。○湯云。氣溫。味苦。苦而酸。性平。味厚。陰也。降也。苦重。酸輕。無毒。○肖炳云。苦酸。○海藥云。味酸澁溫。○東云。生津。止渴。療滑泄。○珍云。瀉肺無補功。嗽藥不爲用。○堯云。主開胃消食化痰。及冷氣。除崩漏。腸風。奔豚。及止痢。

本經云。主冷氣。心腹脹滿下食。○肖炳云。苦酸下宿物。止腸澼久洩。赤白痢。波斯舶上來者。六路黑

色。肉厚者良。○藥性論云。訶梨勒。使亦可單用。味苦甘。能通利津液。主破胃膈結氣。止水道。黑髭髮。○日華子云。消痰下氣。除煩治水。調中。止瀉痢。霍亂。賁狹。腎氣。肺氣。喘息。消食。開胃。腸風。瀉血。崩中。帶下。五膈氣。懷孕未足。月人漏胎。及胎動欲生。脹悶。氣喘。并患痢人。後分急痛。并產後陰痛。和蠟燒熏。及熱煎湯熏。通手後洗。○晉經云。訶梨勒。主痢。本經不載。張仲景治氣痢。以訶勒十枝。麩裹煨。灰火中煨之。令麩黃熟。去核。細研爲末。和粥飲頓服。

○唐劉禹錫傳信方云。予曾苦赤白下。諸藥服遍。久不差。轉爲白膿。用訶梨勒三枚。上好者。兩枚。炮取皮。一枚。生取皮。同末之。以沸漿水一兩。合服之。淡水亦得。若空水痢。加一錢七。甘草末。若微有膿血。加二七。若血多。加一七。皆効。○又取其黑人。白蜜研。注目中。治風赤澁痛。神良。○其子未熟時。風飄墮者。謂之隨風子。暴乾收之。彼人尤珍貴。益小者。益佳。治痰嗽咽喉不利。含三數。殊勝。○海藥云。味酸澁。溫。無毒。主五疔氣結。心腹虛痛。赤白諸痢。

及嘔吐咳嗽。並宜使皮。其主嗽。肉灸治眼澁痛。方家使六路訶梨勒。即六稜是也。○象云。主腹脹滿。不下飲食。消痰下氣。通利津液。破胃膈結氣。治久痢赤白。腸風。去核搗細用。○心云。經曰。肺苦氣上逆。急食苦以泄之。以酸補之。苦重瀉氣。酸輕不能補肺。故嗽藥中不用。俗名訶子。○衍義云。氣虛人亦宜緩緩煨熟少服。此物能澁腸。而又泄氣。蓋其味苦澁。故爾。○丹溪云。下氣。以其味苦而性急。喜降。經曰。肺苦急。急食苦以瀉之。謂降而下走也。氣

實者宜之。若氣虛者。似難輕服。○衍義云。此物雖澁腸。又泄氣。其味苦澁。又云治肺氣。因火傷極。遂鬱遏脹滿。蓋其味酸苦。有收斂降火之功。○劄云。訶梨勒苦能開胃。冷氣奔豚是本功。消食化痰并止痢。更除崩漏及腸風。○即局方。○訶梨勒瀉痢有功。

棟實○俗謂苦練子。又名川練子。又名金鈴子。又名石茱萸。以蜀者爲佳。○十二月採實。採根無時。○有雌雄二種。根白有子爲雌。微毒。服食用之。根赤

無子爲雄。有毒。誤服吐瀉殺人。○用須去核。

味苦。氣寒。有小毒。○湯云。氣寒。味苦平。有小毒。○

東云。金鈴子。味酸苦。無毒。○湯云。金鈴子。酸苦。陰

中之陽。○東云。治疝氣而補精血。○珍云。主下部

腹痛。心暴疼。

本經云。主溫疾。傷寒大熱。煩狂。殺三蟲。疥瘍。利小

便水道。○根微寒。療虻蟲。利大腸。○藥性論云。棟

實亦可單用。主人中大熱。狂失心。躁悶。作湯浴。不

入湯服。○日華子云。棟皮。苦。微毒。治遊風熱毒。風

癩惡瘡疥癩。小兒壯熱。並煎湯浸洗。服食須是生
子者。雌樹皮一兩。可入五十粒糯米。煎煮殺毒。瀉
多。以冷粥止。不瀉者。以熱葱粥發。無子雄樹。能吐
瀉殺人。不可誤服。○陶云。其根以苦酒摩塗疥甚
良。煮汁作糜食之。去虵蟲。○珍云。入心主上下部
腹疼。又云。心暴痛。非此不能除。即川練子也。○局
云。棟實金鈴子一同。膀胱冷氣大能通。又除臟毒
并寒熱。若用根皮最殺蟲。○川練子。主膀胱冷氣。
栢實。○即栢子仁。君也。牡蠣。及桂瓜子。爲之使。畏菊

花羊蹄草。諸石及麩麩。入藥微炒。用須偏葉者。名側栢。○其花葉栢叢栢葉有子。負栢葉不入藥中。用。八月收子葉。餘採無時。○乾州者最佳。味甘。氣平。無毒。○湯云。氣平。味甘辛。無毒。○東云。養心神而有益。

本經云。主驚悸。安五臟。益氣。除風濕痺。療恍惚虛損。吸吸歷節。腰中重痛。益血。止汗。久服令人潤澤。美顏色。耳目聰明。不飢不老。輕身延年。栢葉尤良。○藥性論云。君惡菊花。畏羊蹄草。味甘辛。治腰腎。

中冷膀胱冷膿宿水與陽道益壽去頭風治百邪
鬼魅主小兒驚癇○日華子云治風潤皮膚此是
側柏子入藥微炒用○湯云用之則潤腎之藥古
方十精丸用之○局云柏實主驚安臟氣除風濕
痺及腰疼若人吐衄崩中病用葉燒來有大功
栢子安臟鎮驚須去殼

側栢葉○君也四時各依方面採陰乾

味苦氣微溫無毒○湯同○一云味苦辛性澁○

東云治血山崩漏之疾

本經云。栢葉尤良。主吐血衄血痢血崩中。赤白。輕身益氣。令人耐寒暑。去濕痺。止飢。四時各依方面採。陰乾。○唐本注云。栢枝節燒取末。療癩及癩瘡。良。○藥性論云。君與酒相宜。止尿血。味苦辛。性澁。能治冷風。歷節疼痛。○日華子云。灸罽凍瘡。燒取汁塗頭。黑潤鬢髮。○晷經云。仲景方。療吐血不止者。栢葉湯主之。青栢葉一把。乾薑三片。阿膠二銖。炙三味。以水二升。煮一升。綿漉。一服盡之。山東醫工亦多用側栢。然云性寒止痛。其方採葉入臼中。

濕擣。令極爛如泥。冷水調作膏。以治大人及小兒
湯盪火燒。塗傳於傷處。用帛子繫定。三兩日瘡當
斂。仍滅癥。又取葉焙乾爲末。與川黃連二味同煎
爲汁服之。以療男子婦人小兒大腹下黑血茶脚
色。或膿血如淀色。所謂虫痢者。治之有殊効。又能
殺五臟虫。道家多用柏葉湯。常點益人。○丹溪云。
屬陰與金性善守。故採其葉。隨月建方。以取月令
之氣也。此補陰之要藥。其性多燥。久得之。大益脾
土。以澁其肺。○栢葉止衄吐崩。

柏白皮

本經云。主火灼爛瘡。長毛髮。○日華子云。無毒。

槐實○臣也。景天爲之使。○七月七日採嫩實。十月

上巳日採老實。入藥。皮根採無時。○陶云。以子相

連多者爲好。○雷云。去單子。并五子者。只取兩子

三子者。

味苦酸鹹。氣寒。無毒。○湯同。○珍云。除五內邪熱。

大腸熱。治婦人乳癢。口齒風兼瘡。涎唾。

本經云。主五內邪氣熱。止涎唾。補絕傷。五痔。火瘡。

婦人乳癥。子藏急痛。以七月七日取之。銅器盛之。日煎。令可作丸。大如鼠屎。內竅中。三易乃愈。又墮胎。久服明目益氣。頭不白。延年。○藥性論云。槐子。臣。主治大熱難產。○陳藏器云。槐實本功外殺虫去風。合房折取陰乾煮服。一如茶。明目除熱。淚。頭腦心胷間熱風煩悶。風眩欲倒。心頭吐涎如醉。瀆。瀆如船車上者。子生房。七月收之。染皂木爲灰。長毛髮。○日華子云。槐子治丈夫女人陰瘡濕痒。催生。吞七粒。○晷經云。七月七日採嫩實。搗取汁作

煎。十月採老實入藥。今醫家用槐者最多。○珍云。與桃仁治訂同。○晷經云。折取嫩房角。作湯以當茗。主頭風。明目補腦。○局云。槐實主除邪熱氣。更攻五痔。火燒瘡。用皮灌嗽風疳齒。若治陰癩。作浴湯。○槐角主五痔腸風。

槐枝

本經云。主洗瘡。及陰囊下濕痒。○別錄云。八月斷槐大枝。使生嫩孽。煮汁釀酒。療大風痿痺。甚効。又枝炮熨。止歇毒。○晷經云。春採嫩枝。煨爲黑灰。以

揩齒去蚰。燒青枝取瀝。以塗癬。

槐白皮

本經云。主爛瘡。○藥性論云。槐白皮。味苦。無毒。主
治口齒風疔。以煎漿水。煮含。又煎淋浴。男子陰
疝卵腫。又皮煮汁。淋陰囊。墜腫氣痛。○日華子云。
槐皮平。治中風。皮膚不仁。喉痺。浸洗五痔。并一切
惡瘡。婦人產門痒痛。及湯火瘡。煎膏止痛。長肌肉。
消癰腫。○晷經云。煮白皮汁。以治口齒及下血。

槐根

木經云。主喉痺。寒熱。

槐耳

別錄云。味苦辛平。無毒。主五痔。心痛。婦人陰中瘡痛。槐樹菌也。當取堅如桑耳者。○晉經云。木上耳取末。服方寸匕。治大便血。及五痔。脫肛等。皆常用有殊効者。

槐膠

本經云。主一切風。化涎。治肝臟風。筋脉抽掣。及急風。口噤。或四肢不收。頑痺。或毒風。周身如蟲行。或

破傷風。口眼偏斜。脊強硬。任作湯散丸。煎雜諸藥用之。亦可水煮。和諸藥爲丸。又作湯下藥。

槐花

味苦。氣平。無毒。○湯云。苦薄。陰也。○東云。治腸風。亦療痔痢。○珍云。涼大腸。皮風。治腸風。瀉血。本經云。治五痔。心痛。眼赤。殺腹藏虫。及熱。治皮膚風。并腸風。瀉血。赤白痢。並炒服。

槐葉

氣平。無毒。



本經云煎湯治小兒驚癇壯熱疥癬及丁腫皮莖
同用○珍云療大腸熱

騏驎竭○一名血竭○凡使勿用海母血真相似只
是味鹹而氣腥其血竭鹹而甘似梔子氣嚼之不
爛如蠟者上也得蜜陀僧良○勿與衆藥同搗化
作飛塵

味甘鹹氣平有小毒○東云止血出療金瘡傷折
本經云主五臟邪氣帶下止痛破積血金瘡生肉
紫鉞與騏驎二物大同小異○別本注云紫鉞騏

麟竭二物同條。功效全別。紫鉞色赤而黑。其葉大如盤。鉞從葉上出。騏麟色黃而赤。味鹹。平。無毒。主心腹卒痛。止金瘡血。生肌肉。除邪氣。葉如櫻桃三角。成竭從木中出。如松脂。○日華子云。紫鉞無毒。治驢馬蹄漏。可鎔補。○又云。騏麟竭暖。無毒。得蜜陀僧良。治一切惡瘡。疥癬。久不合者。傳此藥。性急。亦不可多使。却引膿。○啞經云。木液流下成竭。赤作血色。故謂之血竭。採無時。其味鹹而氣腥者。是海母血。不可用。真竭微鹹而甘。作梔子氣味。舊說

與紫鉚大都相類。而別是一物。功力亦殊。○海藥

南越志云。是紫鑛樹之脂也。其味甘溫。無毒。主打

傷折損。一切疼痛。補虛。及血氣攪刺。內傷血聚。並

宜酒服。欲驗真偽。但嚼之不爛如蠟者。上也。○局

云。麒麟竭。本出南番。血竭。元來只一般。止痛生肌。

除血暈。勿將紫鉚誤同看。○麒麟竭。止痛生肌。

金櫻子。○有刺。黃赤色。形似小石榴。十一二月採。不

可太熟。却失本性。今取半黃時採之。妙。

味酸澁。氣平溫。無毒。○東云。澁遺精。